

富平縣志卷之四

水利志

水利之說三代無有也自秦人大開阡陌而溝洫之制不行後之智者遂因川澤之勢引水以溉田而水利之說興焉關中素稱沃野鄭白六輔諸渠灌富平等縣田至四萬餘頃乃歲久寢廢民間獲利恒不敵昔之什二豈河渠遺惠今不可復乎亦水道屢遷泉流異用求所以法古宜今者卒無善策耳夫河渠溝洫之制固不可妄議紛更尤不敢輕爲創舉但使循自然之利疏不涸之源平徭行

富平縣志

卷之四

水利

一

水勿使失時是在長民者加之意焉而已作水利志第四

河渠

鄭國渠宋敏求長安志在縣南二十里史記曰秦既有事山東欲兼并諸侯諸侯益懼韓惠王聞秦之好興利欲罷之母令東伐乃使水工鄭國間說秦令鑿涇水自中山西邸瓠口爲渠並北山東注洛三百餘里欲以溉田中作而覺秦欲殺鄭國鄭國曰始臣爲間然渠成亦秦之利也韓延數年之命爲秦開萬世之利也王以爲然

卒使就渠渠成用注填闕之水溉澤鹵之地四萬餘頃收皆畝一鍾於是關中爲沃野無凶年秦以富強卒併諸侯因命曰鄭國渠

北白渠亦名大白渠宋敏求長安志在縣南二十里漢書武帝大始二年趙中大夫白公復奏穿渠引涇水首起谷口尾入櫟陽注渭中袤二百里溉田四千五百餘頃因名曰白渠民得其饒歌之曰田於何所池陽谷口鄭國在前白渠起後舉甬爲雲決渠爲雨涇水一石其泥數斗且溉且糞長我禾黍衣食京師億萬之口白渠西

自三原縣界來流經縣溉脾陽大澤豐閏三鄉民田四十里有斗門一十五所其水東入漆沮河唐永徽六年雍州長史長孫祥奏言往日鄭白渠溉田四萬餘頃今爲富僧大賈競造碾磑止溉一萬許頃於是高宗令分檢渠上碾磑皆毀撤之未幾所毀皆復廣德二年尚書工部侍郎李栖筠復陳其弊代宗亦命拆去私碾磑七十餘所歲餘栖筠出常州私制如初至大歷中水利所及纔六千二百餘頃

按水經注云秦時水工鄭國鑿涇引水謂之鄭

渠渠首上承涇水於中山西瓠口所謂瓠中也  
又云澤泉水逕懷德城北東南注鄭渠合沮水  
又自沮直絕注濁水至白渠合焉沮循鄭渠東  
逕當道城南城在頻陽故城南應劭曰頻陽縣  
在頻水之陽今縣之左右無水以應之所可當  
者惟鄭渠與沮水禹貢錐指云沮水東循鄭渠  
入洛其間二百餘里實鄭國之所鑿故漢志云  
沮入洛亦據既有鄭渠後言之耳自鄭渠一廢  
沮水不復東入洛矣宋至道初議修鄭白渠詔  
皇甫選何亮相度選等言鄭渠並仲山而東鑿

斷岡阜首尾三百餘里連亘山足岸壁頽壞堙  
廢已久度其制置之始涇河平淺直入渠口暨  
年代寔遠涇河陡深水勢漸下與渠口相懸水  
不至峻崖之處渠岸久廢實難致力三白渠溉  
富平涇陽櫟陽高陵雲陽三原六縣田三千八  
百五十餘頃宜增築隄堰以固護之自是以後  
三白渠屢加修治頗得其利而鄭渠卒不可興  
復一統志云鄭渠故道自仲山下分涇水歷富  
平三原諸縣界入於洛久廢然則鄭白二渠在  
曩時原溉縣田爲利甚溥自鄭渠堙廢而濁水

至三原縣界散絕白渠亦不抵富平縣境縣所恃以溉田者惟漆沮之水居多焉前志徵引河渠不及鄭白渠一語或是之故歟然愚意竊以爲古制之興廢未詳顛末卽現在之形勢未見瞭然今援據諸書詳爲增入庶幾渠名如列眉渠制如指掌或因或革得有所攷焉

文昌渠自許公橋起歷奧家壑生姜村楊家斜莊裏鎮元陵方井吳村等堡南北董家莊懷陽城至東懷陽城止三十五里灌田三千五百畝

實惠渠自侯馬灘起歷朱黃三里崔黃太和壽陽

富平縣志

卷之四

水利

四

等堡孫姜村樊白邵三堡下抵唐家河楊家斜東至莊裏北門外止二十里灌田二千二百畝通鎮渠自奧家壑起歷街子太和壽陽張唐家河斜裏堡莊裏鎮至神芝坊止十五里灌田三百餘畝

東永濟渠自奧家灘起歷崔黃街子東至太和壽陽下抵張唐家河南至莊裏鎮止十五里灌田一千八百二十畝

東永興渠自檀山寺起歷張唐家河莊裏西南二門下抵西磴頭東至南吳村止十里灌田一千

畝

廣濟渠自張家灘起歷莊裏鎮西磴頭東至毛吳村止五里灌田二千畝

永豐渠自許家灘起下流五里始行灌田歷西磴二堡南抵索村二堡又南至西賈堡止五里灌田五百六十畝

廣澤渠自李家灘起

舊在唐家灘

歷莊裏鎮西門外至

西磴頭金台堡止五里灌田二百畝

永長渠自別李灘起歷莊裏鎮金台堡南北索村東西賈村張王二堡西西北劉三堡至董閭白

富平縣志

卷之四

水利

五

三堡止十五里灌田七百畝零

溢水渠自別家灘起歷西磴頭索村東至澗裏白家堡西劉堡止五里灌田五百畝

石水渠自西磴頭起至東賈分水南灌駱村木節口東灌樹連坊權家堡科子頭東村至師家堡止十里灌田一千畝

千年渠自別家灘起由巴家灘歷樹連坊南及科子頭東過南社堡良村又東通南湖流經東濟橋下入河三十餘里灌田三百五十畝

永潤渠自駱村後郭家灘起歷木節口分作兩渠

引灌新移堡莞豆村楊党堡太寧東西兩堡  
亨堡東西咸寧堡中和堡永潤堡永順堡蕭袁  
堡東至南湖三十里灌田一千畝

以上十三渠皆引漆沮東濱水灌田

偃武渠自耀州梁家泉起

舊在州阿姑神廟

歷岔口魏家

堡至嶺南趙家堡止三里灌田三百三十畝

中渠自岔口梁家泉起過魏家嶺灌趙米堡廟溝

裏南劉堡至周家坡止五里灌田三百餘畝

小白馬渠自梁家泉起歷廟溝橫水西及周劉家

坡南至安朱党三堡西至陵李溝止十五里灌

富平縣志

卷之四

水利

六

田一千七百畝

大白馬渠自岔口起歷陵李溝十八坊寺東下抵

赤兔坡西閭村東南至上官村止二十五里灌

田三千畝

永壽渠自白馬渠駱馱巷起歷赤兔坡覓子鎮上

官村至鐵佛寺止十五里灌田二千三十畝

新渠自白馬渠駱馱巷起歷赤兔坡西林村至覓

子鎮止十里灌田二千零五十畝

西永濟渠自侯家灘起

舊在安灘

歷別家堡木匠楊

家至南北韓家堡止十里灌田一千零八十畝

楊家渠自侯家灘起至楊家堡止四里灌田二百畝

清泉渠自奧家灘起舊在侯家灘至崔家灘止四里灌

田一百畝

小判官渠自侯家灘起至崔家灘止四里灌田一百畝

興隆渠自朱黃灘起歷別家堡上官村西至官莊裏統楊家南至鐵佛寺止十五里灌田一千畝  
永興渠自朱黃灘起經過別家堡正灌木匠楊家北韓家至南韓家止七里灌田六百八十畝

富平縣志

卷之四

水利

七

遺愛渠自安奧灘起舊在朱黃灘經過別家堡木匠楊

家堡官莊南韓堡尙家堡鐵佛寺至康家洞止十五里灌田七百畝

長澤渠自木匠楊家灘起至高李堡止十里灌田六百三十畝

以上十四渠皆引漆沮西濱水溉田

按前志引宋敏求長安志云高望渠在縣西北二十五里閭村引漆沮水溉田三里今縣境無此渠名以地度之應在廣濟永壽二渠間又長安圖說載石川東岸渠七西岸渠六今判官永

濟石水陽九偃武白馬長澤仍前名餘俱易名  
不復可考又自在新開二渠舊引漆沮水溉田  
今廢

金定渠自盤龍寺前人歷堡裏復興南曹等堡至  
西渠東渠村止二十里灌田一千畝

廣惠渠自盤龍灣起歷教場良村謝村古城卧龍  
大牛村小牛村止二十里灌田一千二百畝  
以上二渠引金定河水溉田

按廣惠渠一名陽九渠自金定河入漆沮處開  
渠遇雨澤時降則引石川河水旱則由金定渠

築堰借引金定河水舊載漆沮河諸渠下今據  
渠冊釐定

直城渠自神下村起至齊堡村止半里灌田四十  
畝

懷德渠自齊堡村起歷太后廟荆家堡菩薩廟紀  
家堡太元洞新莊堡八蜡祠常家廟前龍王口  
頭玉泉寺下興龍庵前至葛家灣過仇蕭洞蕭  
家堡張王堡仇家堡焦家堡平觀村陰家堡常  
樂堡合仙坊朱家堡軍寨堡至南陽村止二十  
五里灌田一千五百畝

順城渠自齊堡村起至縣北門外止五里灌田二百二十畝

玉帶渠自縣城北門外起歷李公橋遶縣至東過東嶽廟中抵竇村以東至陳家馬道止一里灌田一百五十畝

倒廻渠自縣北常家廟前起至東過龍王廟南崖止一里有餘灌田三百畝

圃田渠自縣東北華家堡南起歷嘴頭南陽尙官定國西灣邢家溝至百里村止九里灌田一千四百畝

富平縣志

卷之四

水利

九

宏濟渠自南陽村老莊菩薩廟坡下起由東崖南流歷任家堡孫家溝賀家堡至定國寺前歸河止三里灌田一百畝

以上七渠皆引溫泉水溉田

按頻山東西岔溝遇雨水漲時可引以溉田土人鑿洞爲渠約三十餘道多無名可稱灌田亦無定數茲特述其略而已

順陽渠灌兩門盤石城西等村至羨原鎮

薛家渠南灌薛家溝東灌仁義坊莊子鎮五家坊

西灌蓋村將軍村道賢村惠店荆家村東李村

流曲堡丈八村今渠口猶存而各村堡支分小渠大半圯廢利益無多

孫家渠明宏治間開昔灌小惠村田三千五百餘畝今上流壅塞所灌甚微

朝陽渠昔灌鄒村田三百五十餘畝近因大雨衝決洞口坍塌灌溉無幾

按三尺嶺在趙老峪東北更北爲潼河水流嶺外論者謂導之出峪歲可灌田二萬餘畝孫恭介公諄切言之詳見孫志而喬志稱嶺高峪卑鑿之附峪村堡不免其魚之嘆持論不同余親

富平縣志

卷之四

水利

十

詣其處規度蹋勘并集紳耆商榷間得

國初邑人沈起潛開嶺議略暨石刻圖形又似可疏鑿顧民利在所當興而大功未可倖邀行且爲  
我民圖之